

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
KLUB POSLANIKA STRANKE
DEMOKRATSKE AKCIJE**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLIJENO: 23-06-2021			
Organizaciona jedinica	Klasifikaciona oznaka	Redni broj	Broj priloga
01-	SO-1-	1285/21	

Sarajevo, 22.06.2021. godine

**PARLAMENTARNA SKUPŠTINE BIH
PREDSTAVNIČKI DOM
n/r predsjedavajuće, gđe. Borjane Krišto**

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH" broj 79/14, 81/15, 97/15, 78/19 i 26/20), podnosimo

POSLANIČKU INICIJATIVU

Traži se od Regulatorne agenciji za komunikacije da u roku od 30 dana od usvajanja ove inicijative, izda nalog javnim servisima da komercijalnim medijima omoguće u regijama Sarajevo, Banja Luka i Mostar gdje postoji MUX A ulazak spornih TV kanala u isti (kako je to svojevremeno uradjeno sa TV K3 iz Prnjavora) ili da oštećenim TV stanicama dozvoli da privremeno na lokacijama Kozara, Trebević i Majeвица o svom trošku uključe DVT predajnike sa privremenim korištenjem spektra iz MUX-a C ili D, s obzirom da je taj frekventni spektar trenutno slobodan, do zaživljavanja ovih MUX-ova uz njihovu obavezu da iste ugase kada zaživi neki od navedenih MUX-ova, te da u roku od 45 dana od usvajanja inicijative izvjestite Predstavnički dom Parlamenta Bosne i Hercegovine o poduzetim mjerama.

Obrazloženje

Dana 15.6.2021. godine Regulatorna agencija za komunikacije je u skladu sa ovlastima i obavezama iz Zakona o komunikacijama i međunarodnim obavezama Bosne i Hercegovine (Sporazum RRC-06 za TV servis u opsegu od 174-230 i 470-862MHz, PS BiH broj 250/08 od 17.09.2008.godine) uputila dopis na adresu nekoliko komercijalnih TV stanica pod nazivom *Informacija o planu gašenja predajničkih lokacija prema zahtjevu administracije Republike Hrvatske*. Prema pomenutom dopisu Regulatorna agencija za komunikacije će od 01.07.2021. godine krenuti sa gašenjem predajnika koje trenutno koriste komercijalni mediji, po fazama.

Kao što i stoji u gore pomenutom dopisu Regulatorna agencija za komunikacije će gasiti predajnike prema zahtjevu Republike Hrvatske, a zbog uvođenja 5G pristupne mreže, obzirom da bi nastavak korištenja spornih predajnika ometao provođenje ove aktivnosti u susjednoj Republici Hrvatskoj, a prema potpisanom sporazumu Bosna i Hercegovina je dužna otkloniti te smetnje.

Gašenjem ovih predajnika dolazi do ogromnog medijskog vakuma u Bosni i Hercegovini, te su vlasti u Bosni i Hercegovini dužne omogućiti građanima pristup informacijama a komercijalnim medijima da nesmetano nastave obavljati svoju izuzetno važnu funkciju u društvu, informisanja građana. Gašenjem ovih predajnika ugroženo je ispunjavanje obaveza koje su komercijalne televizije preuzele potpisivanjem ugovora prije donošenja ovakve odluke od strane Regulatorne agencije za komunikacije, a na taj način bi se doveo u pitanje i nastavak njihovog rada.

Državne vlasti su odgovorne za kašnjenje procesa digitalizacije i trebaju poduzeti mjere kojima će se otkloniti opasnost koja prijete komercijalnim medijima. U tom smislu, a prema stručnom mišljenju postoje najmanje dva načina da se ovaj problem prevaziđe, a komercijalni mediji su na njih već ukazali Regulatornoj agenciji za komunikacije. Smatramo da Parlament treba hitno da zatraži da Regulatorna agencija za komunikacije, da u roku od 30 dana od dana donošenja odluke:

1. Izda nalog javnim servisima da komercijalnim medijima omoguće u regijama Sarajevo, Banja Luka i Mostar gdje postoji MUX A ulazak spornih TV kanala (kako je to svojevremeno urađeno sa TV K3 iz Prnjavora)

ili

2. Odobri oštećenim TV stanicama da, privremeno, na lokacijama Kozara, Trebević i Majeвица o svom trošku, uključe DVT predajnike sa privremenim korištenjem spektra iz MUX-a C ili D, tako da iste ugase kada zaživi neki od navedenih MUX-ova, s obzirom da je taj frekventni spektar trenutno slobodan.

Tražimo da Regulatorna Agencija za komunikacije informiše Predstavnički dom Parlamenta Bosne i Hercegovine, u roku od 45 dana, o poduzetim mjerama.

Za Klub SDA u PD PS BiH

Predsjednik

Adil Osmanović